



Publicaziuns officialas dils 17-03-2017

Damonda da baghegiar

Nr. 17/2017

Datum da publicaziun: 17-03-2017

Patrun: Vischnaunca Sumvitg, 7175 Sumvitg

Representant: Biro d'inschignier Deplazes, 7173 Surrein

Liug e parcella: Sumvitg, Sogn Benedetg, Clavadi, Cumpadials; diversas

Object: Renovaziun dil provediment d'aua Sumvitg/Sogn Benedetg e Cumpadials/Clavadi

Nr. 18/2017

Datum da publicaziun: 17-03-2017

Patrun: Vischnaunca Sumvitg, 7175 Sumvitg

Representant: Biro d'inschignier Cavigelli SA, 7130 Glion

Liug e parcella: Val Mulinaun, Marcalin; 630, 1092, 1093

Object: Midada dalla via cantunala en senda da viandar

Nr. 19/2017

Datum da publicaziun: 17-03-2017

Patrun: Deflorin-Tuor Ida, 7175 Sumvitg

Liug e parcella: Sum il Vitg; 33

Object: Remplazzar escha da lenn cun escha da metal, remplazzar finiastras, construcziun da treis novas finiastras ed in niev esch

Il profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 17-03-2017

Cumissiun da baghegiar

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 17-03-2017

Departament stradal

Interrupziun dalla via en Val Sumvitg

Muort curdada da greppa ei la via en Val Sumvitg interruta sil tschancun Acla Mulin per tut il traffic. Ord motivs da segirtad ei la via era serrada per pedunzs. La vischnaunca ei lundervi d'annalisar la situaziun cun in geolog e vegn ad informar cu e co las lavurs da sanaziun da quei tschancun vegnan a succeder. Ulteriur sclariment dat l'administraziun communal, telefon 081 920 25 00. Nus engraziein per Vossa capientscha.

Sumvitg, 17-03-2017

*Departament da traffic,
Giusep Bearth, genau responsabel*

Sanaziun dallas vias Encarden e Planatsch a Surrein

Ils 10 d'avrel 2017 vegn cuntinuau cun las lavurs da sanaziun vid las vias Encarden e Planatsch a Surrein. Duront il temps da sanaziun sa ei dar impediments per il traffic. Nus engraziein per Vossa capientscha. Ulteriuras informaziuns survegnis Vus directamein dil biro d'inschignier Deplazes a Surrein (tel. 081 943 25 60).

Sumvitg, 17-03-2017

Departament traffic

Lenna da brisch 2017

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu 55.00 frs/m³

Ogna

Igniu 80.00 frs/ster

Il quantum d'ogna ei limitaus.

Ils prezis secapeschan excl. taglia sin plivaleta. Cundiziuns da pagament ein 30 dis net.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, 7175 Sumvitg, ni e-mail: uffeci.forestal@sumvitg.ch, ni per telefon (081 920 25 06). Las empustaziuns ston succeder entochen sil pli tard venderdis, ils **7 d'avrel 2017**.

Bien engraziament per Vossa empustaziun!

Sumvitg, mars 2017

Il selvicultur da revier
Flurin Cathomas

Corporaziuns aquaduct

Cumpadials/Clavadi e Sumvitg

En connex cun la situaziun stagiunala, denton cunzun cun quei ch'ei va a piarder aua, supplichein nus da buca far surdiever d'aua. Ils responsabels ein intensivamein vid eruir e sligiar quei. Nus sperein sin Vossa capientscha. *Las corporaziuns d'aua*

Annunzia scoletta per igl onn da scola 2017/18

Il scriver cul talun d'annunzia obtegnan ils geniturs dils affons dall'annada 2012 ils proxims dis. Ils affons dall'annada 2011 che han gia frequentau in onn scoletta valan sco annunziai. En cass che Vus retscheveis negin scriver ni che Vus haveis ulteriuras damondas, astgeis bugen contactar nus duront las uras da spurtegl (gliendisdis 13.00–16.00 e gievgia 13.30–16.30) sut 081 936 33 04. *Consorti da scola Sumvitg-Trun, Administraziun*

Societad da tir Vial Sumvitg

Invitaziun alla radunonza generala che ha liug venderdis, ils 17 da mars, en l'ustria «Cruna», Sumvitg, allas 20.00. Cordialmein envida la suprastonza e cumissiun da tir.

Cuors per tiraduras e tiradurs giuvens 2017

Annunzia: Era uonn meina la societad da tir Vial Sumvitg atras in cuors per tiraduras e tiradurs giuvens e giuvenils. Giuvnas e giuvens dallas annadas 1997–2004 astgan prender part a quei cuors. S'annunziar saveis vus a scret ni per telefon al menader dil cuors. Cajochen Gion, Via Plazzas 22, 7173 Surrein, Tel. 079 850 34 63. Davos termin d'annunziar ei gliendisdis, ils 27 da mars 2017.